

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

§. V. Ostenditur, varia epitheta, quae Conscientiae dant Sacrae paginae &  
sancti Patres, praeclarè cum datâ Conscientiae definitione conuenire.

**urn:nbn:de:hbz:466:1-11367**

## S. V.

Ostenditur varia epitheta, quæ Conscientie dant sacre paginae  
et Sancti Patres, preclarè cum datâ Conscientie defi-  
nitione conuenire.

34. **A**C primò quod passim Bona dicatur aut Mala hominis frugi  
aut peruersi Conscientia, non hoc idcirco dicitur quod mo- Vnde dica-  
tur Con-  
scientia bona  
aut mala.  
ralis vlla aut bonitas aut malitia ei inhæreat, ob quam aut laude  
digna sit aut vituperio: constat enim isthac non nisi voluntati  
conuenire, quæ sola aut bona est aut peruersa: Conscientiam  
verò cum voluntate nihil commune habere jam docuimus. Non  
incongruè tamen, quamvis non propriè, vtrumque fortitur no-  
men; eò quod ipsa sit iudicium quod de actionis præteritæ bo-  
nitate fertur, aut malitiæ. Sic malam aut bonam à judice senten-  
tiam retulisse dicetur reus, prout criminis absoluitur aut con-  
demnatur: & quidem si absoluitur, bonam, hoc est fauentem  
consecutus sententiam censembitur; malam verò, hoc est aduer-  
sam sibi, si condemnatur: nulla tamen, ex parte judicis, sen-  
tentia malitia aspergitur, cum sit justissima. Non aliter sanè  
bona aut mala dicitur Conscientia. Iudicium est, quod de suâ  
actione fert intellectus, & quidem semper sincerum & certum,  
alioquin non est Conscientia. Iudicio autem proprio qui condem-  
natur, sententiam contra se malam tulit, scelerisque reus est:  
bonam verò, qui suo iudicio absoluitur. Vtrumque quia præstat  
Conscientia, idcirco aut bona dicitur aut mala; & sic iudicium  
de actionis bonitate, Conscientia bona est; mala verò, iudicium  
de eiusdem malitiæ & peruersitate.
35. Rursus Conscientia inquinata appellatur, sordida & immunda; Vnde munda  
aut immun-  
da.  
alia verò casta & munda; non quod ipsa immunda sit aut spur-  
citie aliquâ inquinata; quid enim sordidum adhærere potest rei,  
quæ naturâ suâ merus actus est iudicii? Idcirco inquit D. Tho-  
D. T. I. P.  
q. 79. a. 13.  
ad. 2.  
mas, *Dicendum quod inquinatio dicitur esse in Conscientia, non sicut  
in subiecto, sed sicut cognitum in cognitione: inquantum scilicet ali-  
quid scit se esse inquinatum: Sic sanè turpis aspectus appellatur,  
si sedum quidquam, turpe visu, aut obscenum & indecorum*

oculo obiicitur ; & nulla tamen spurcites adhæret oculo , qui meram rei exhibet repræsentationem : tota verò in repræsentatâ re, est immunditia. Hoc plane modo Conscientia immunda dicitur , quòd actionis spurcitem exhibeat , quæ tamen tota in actione est, cuius fœditas Conscientiæ obiicitur iudicanda.

*Vnde sceleribus plena.*

Non aliter etiam , plena sceleribus appellatur, nisi quòd scelerata à voluntate commissa , memoriarum imprimenda & fideli curâ quasi in Archiuo custodienda iudicet; atque ne quid , nisi satis factum fuerit , eradatur , diligenter obseruet. Hâc nimirum etiam de causâ , codices & aduersaria , quibus mercatores , accepti expensique rationes summâ curâ inscribunt , plena debitibus passim appellantur , si mercator in ære alienoest : & tamen nihil debent codices ; debitorum immunes sunt. Hoc solùm nomine dicuntur esse in debitibus , quòd ea fideli manu inscripta habeant , eorumque memoriam , cùm sic res fert , clarè & sine fuso repræsentent. Conferuat itaque peccatorum memoriam Conscientia ; ipsa vero scelerata non est. Fida est quinimò , rerumque sibi à Deo commissarum satagit. Neque earum memoriam diffluere facile permittet , vt pote quos suo tempore , cùm debitorum omnium rationes , & quidem exactissimæ reddendæ sunt , repræsentatura est & iudici supremo , atque adeò orbi vniuerso ; confirmationemque , imò & executionem postulabit illius sententiæ , quam iam olim de se tulit.

Denique quorundam Cauteriatam Conscientiam vocat Paulus , 37. nimirum in hypocrisi loquentium , quos cauteriatam asserit habere 1.ad Tim. Conscientiam. Hæc autem , intellectus est , qui , vt rectè Franciscus 4.v.2. Turrianus , sensum peccati amisit instar membra cauterio inusti : locum autem cauterio inustum , vti benè commentatur Theodore- 44.Apost. in Canon. tus , priorem sensum amittere , satis constat. Itaque quibus ob commissa sclera indurataque perusiciâ diuturnâ voluntatem , Diuini luminis aut gratiæ fauor denegatur , & sic in malum omne dantur præcipites , securi admodum quid Deus ferat aut recta ratio , ii sanè cauteriatam , hoc est , sine sensu habent Conscientiam. Quos alio loco viuis coloribus exprimit Apostolus : sunt , inquit : Tenebris obscuratum habentes intellectum , alienati à vita per ignorantiam quæ est in illis , propter cæcitatem cordis eorum : qui desperantes , seipso tradiderunt impudicitiae , in operationem immunditiae omnis , in auaritiam . Deplorandum verò hominem , cui occœcata est & obliguit

obriguit Conscientia. Nulla sanè, licet nunc cœca sit, hâc erit oculatior, cum coram æterno iudice accusatoris crudelissimi partes aget. Verùm hæc deinceps dicentur explicatiùs. Sufficit modò exposuisse, Conscientia generatim quid sit. Operæ prætium iam erit singula persequi, illudque imprimis exponere, quod voluntatis sit officium, & quo pacto Conscientiæ debeat partes sequi.

TRACTATÆ III.

DE CONSCIENTIA CERTA



PRIMVM